



閨媛典第一百九十六卷

閨節部列傳七十八

明七十三 易恬妻歐陽氏 李慶鍾妻周氏

按袁州府志歐陽氏宜春易恬妻年二十八恬亡撫孤不嫁苦志營葬夫及姑兩喪萬曆五年旌表門閭以壽終 按袁州府志周氏分宜學生李慶鍾妻年二十餘夫亡無嗣父黨欲令他適誓死不移克終其節直指表其門

朱球妻蘇氏

按袁州府志蘇氏宜春廩生朱球妻年二十餘球死無嗣以貧甚遺命別嫁球兄弟皆莫能供執球言強之蘇憤欲投水乃止寡居十餘年有部郎聞其賢欲娶之妯娌謂曰此富貴叢中也蘇嘆曰吾無庸生奚庸富貴以十指供口凡五十年卒

袁應藿妻趙氏

按袁州府志趙氏分宜諸生袁應藿妻藿亡無嗣趙年二十甘貧茹苦六十餘年萬曆中旌表

鍾伯良妻袁氏

按袁州府志袁氏萬載諸生鍾伯良妻年十八歸伯良僅逾年良亡氏欲以身殉因方娠未果既彌月生子美無何翁欲奪其志以肥伯仲產氏誓死不從未幾伯仲亦相繼沒妯娌皆改適氏剪髮毀容拮据撫孤以事舅姑美長舉明經縣令以聞詔建坊旌表

袁應槐妻黃氏

楊以正繼室侍氏

按袁州府志黃氏分宜諸生袁應槐妻年二十一寡無嗣坐臥一室雖戚屬罕窺其面萬曆中旌表
按袁州府志侍氏宜春孝廉楊以正繼室江南人年十四歸楊二十二以正沒守節自誓子緘宦京師沒于任氏復扶櫬歸葬年七十八卒直指旌之

袁繼弘妻鄒氏

按袁州府志鄒氏增生袁繼弘妻宜春人年十四歸弘十六舉子方歲餘弘以應省試弗第發憤下帷得病甚鄒夜以身禱願代死藥餌必親及沒自盡者三祖母黃抱孫泣曰翁姑年老誰爲鞠孤鄒乃強起時年十八子多疾有富人欲娶之鄒引刀誓死姑力救免後祖母與翁繼殞鄒盡力舉喪獨

養姑龍氏九年子補邑弟子員有司奏請旌表

黃夢龍妻趙氏

潘氏鍾氏附

按袁州府志趙氏分宜人增生贈御史黃夢龍妻性靜淑善事舅姑年三十夫亡家貧勵志守節訓子希憲成進士歷官總河少司空母封太孺人年八十卒夢龍弟夢麟妻潘氏夢豹妻鍾氏俱盛年守志三節同堂希憲疏於朝旌表

趙璧妻宋氏

周曉妻曾氏

嚴克讓妻袁氏

按分宜縣志宋氏諸生趙璧妻年二十四夫亡撫其遺孫茹苦勵操鄉族稱之按分宜縣志曾氏諸生周曉妻年二十四夫亡撫遺孤一子苦節七十餘年萬曆十三年旌表按分宜縣志袁氏諸生嚴克讓妻年十六歸嚴二載生子方半週夫亡姑老且病氏矢志堅守事姑歷四十年如一日有司旌之

鄧以澄妻王氏

陳之麟妻榮氏

李母潘氏

按萍鄉縣志王氏衡山主簿鄧以澄妻孝事繼姑夫早亡徧歷艱危貞操不二課子誦讀成人

按萍鄉縣志榮氏鄉耆陳之麟妻年二十夫亡孀居五十餘載屢歷患難守益貞固年踰八十字孫俱列庠序 按萍鄉縣志潘氏增生李存幹母年二十九喪夫矢志守節養老撫幼續紡課子成名年八十卒

劉數妻俞氏

甘士傑妻許氏

徐睿妻劉氏

按贛州府志俞氏信豐劉數妻年二十一而寡撫子娶婦爲妻黨所間蕩產殆盡氏飲泣隱忍其子尋亦改悔萬曆甲申奏聞旌表 按贛州府志許氏信豐人郡學生甘士傑妻年二十八夫亡遺

子三歲誓不再適撫孤成立以承宗祀部使者奏聞旌表 按贛州府志劉氏龍南庠生徐睿妻睿病革以子爲託劉涕泣誓不敢負迨終喪一如夫遺命守子終身有司奏聞旌表

謝子敏妻楊氏

郭一爵妻杜氏

按贛州府志楊氏寧都謝子敏妻生子繼志甫一月而子敏亡氏年十七貧苦伶仃堅持苦節日紡績以給口繼志長督之力學登萬曆丙子鄉薦氏以壽終部使者奏聞旌表 按贛州府志杜氏

安達庠生郭一爵妻夫亡守志以禮自衛萬曆壬辰奏聞旌表

楊萬璞妻曾氏

葛覃妻姚氏

劉貴卹妻鍾氏

按贛州府志曾氏名五貞瑞金楊萬璞妻年二十五萬璞亡家甚貧父母憐愛之將令別嫁曾以死自誓撫孤春雷早喪又撫其孫辟纘度日艱苦人弗能堪年九十六目見曾孫以傑發科萬曆壬辰奏聞旌表 按贛州府志姚氏會昌諸生葛覃妻年十九夫亡熒熒夜績以撫弱孤終老無變萬曆戊戌奏聞旌表 按贛州府志鍾氏興國劉貴卹妻夫死於寇鍾年二十四斷指截髮誓不改適奏聞旌表

羅濟基妻黃氏

按贛州府志黃氏石城羅濟基妻生子彌月夫亡人以其少爭求聘焉黃抱孤而泣以死拒之子長生孫尋相繼夭折氏與少婦共守終老有詔表其閭

王詵妻呂氏

彭處昭妻陳氏

溫應元妻李氏

按贛州府志呂氏興國王詵妻少寡撫孤操刀截袂以誓不二勤女工以給姑養終老靡悔奏聞旌表 按贛州府志陳氏寧都彭處昭妻年十九夫亡誓不改適撫孤成人萬曆初有司旌表

按贛州府志李氏寧都溫應元妻年二十而寡深居不出白首如初萬曆中有司旌表

鍾華璉妻朱氏

楊正懋妻蘇氏

湯世奇妻鄧氏

按贛州府志朱氏瑞金庠生鍾華璉妻年二十六夫亡安貧自守教其子爲諸生事姑以孝聞萬曆初縣令表其門

按贛州府志蘇氏瑞金庠生楊正懋妻年未二十夫亡堅志守節撫半歲遺孤挺秀成立爲國子生有司旌表

按贛州府志鄧氏瑞金湯世奇妻年二十五世奇亡既葬刻像

祀之閉門獨坐誓不他適或以無子諷卒不爲動有司旌之

斯邦穀妻蕭氏

易嵩妻蕭氏

蕭鳴鳳妻何氏

按贛州府志蕭氏贛縣斯邦穀妻夫亡二子俱幼家貧寒燈夜績以備晨炊比二子稍長卽教之學仲子言賈登萬曆癸酉鄉榜爲某縣令氏得祿養壽終

按零都縣志蕭氏易嵩妻年二十嵩亡

遺腹生子賀堅志守之始終不易年六十終

按零都縣志何氏蕭鳴鳳妻年二十二鳳亡撫子

尙武守節不渝年七十卒

彭霖妻熊氏

黃廷臣妻劉氏

李迪妻孫氏

按零都縣志熊氏庠生彭霖妻年十九霖亡撫子松苦節終身年七十三卒 按零都縣志劉氏

黃廷臣妻年十八廷臣沒無子撫姪沐爲後苦節終身年七十五卒 按零都縣志孫氏李迪妻

年十九迪亡撫子芹劬勞慘悴卒無二志年七十二卒

李文煜妻曾氏 萬景興繼室賴氏 謝國相妻劉氏

按零都縣志曾氏庠生李文煜妻年十九夫亡遺腹生子溥母黨以其少微諷之誓死不聽年八十

八終 按零都縣志賴氏萬景興繼室年十八歸萬合登之夕景興忽見前妻因驚悸是夕遂沒

賴矢志撫前妻子昌善父母勸改適不可守節六十餘年終 按零都縣志劉氏謝國相妻年二

十夫亡遺腹生子琛苦節撫訓成立年八十四終

李鰲妻易氏

按零都縣志易氏李鰲妻年十八夫亡撫遺腹子長既娶而天孫亦旋沒氏孀居孤苦餌粥不飽萬

曆間邑令上其事御史旌之年八十八卒

曾熈妻易氏 丘應妻期謝氏 劉璟妻孫氏

按零都縣志易氏曾嫗妻年十八嫗亡子承權甫數月家極貧旦則自舂以食夜則工刺繡至雞鳴

歷數十年如一日年六十五終

按零都縣志謝氏邑增生丘應期妻年二十期亡矢志守節始

終如一年七十八卒有司旌表

按零都縣志孫氏庠生劉璟妻年二十五璟亡或憐其無子諷

之嫁氏痛哭以死拒以璟姪憲爲嗣撫如己子年七十三卒

鍾韻鳴妻王氏

徐元運妻王氏

按興國縣志王氏鍾韻鳴妻年二十一夫亡矢志守節撫孤成人年七十餘終有詔建坊旌表

按興國縣志王氏徐元運妻年二十二夫亡無子守節四十餘年始終如一萬曆初邑令旌之

李文輔妻劉氏

王乾餌妻鍾氏

按興國縣志劉氏李文輔妻年二十二夫亡撫孤奉姑家貧績苧以供甘旨年七十三卒邑令旌之

按興國縣志鍾氏王乾餌妻年二十夫亡遺孤在襁褓氏矢志撫孤成立終始不渝年七十餘卒有

司旌表

蕭鳴武妻鍾氏

按興國縣志鍾氏蕭鳴武妻幼識孝經論語年二十六武亡矢志守節事翁姑克盡婦道子二次子補邑庠生早夭氏撫孫煥應鄉貢年八十終邑令旌表

張翔妻許氏

陳鵠妻蔡氏 王愷妻彭氏

蔡奇妻孫氏

俱大庾人

王事徐妻汪氏

南康人

按南安府志已上五婦俱年未三十夫亡守志踰六十不改萬曆十年詔旌其門

鄭乾妻謝氏

按南安府志謝氏大庾人鄭乾妻年十四適乾半耆而寡家貧無子或諷之氏剪髮掛門誓不踰閭朝夕紡績作饘粥餬口終身素服不易萬曆三十三年年六十四有司旌其門

劉志學妻王氏

張一源妻劉氏 劉自修妻張氏

鍾禹卿妻葉氏

按南安府志已上四婦俱大庾人事實無考

蔡紹周妻李氏

商志賢妻楊氏

鄭之鑑妻袁氏

按南安府志李氏大庾人蔡紹周妻年三十四夫亡守志萬曆二十九年旌表

按南安府志楊

氏南康人諸生商志賢妻賢亡楊年二十子纔一歲誓不再適事姑以孝聞萬曆二十年御史陳郊具奏請旌表年八十六終 按江南通志袁氏長洲人鄭之鑑妻年二十六夫亡撫幼孤茹荼飲蘗苦節三十餘年終

陸某妻浦氏

楊天瑞母鄒氏

顧氏夏氏附

按江南通志浦氏陸某妻早寡撫子桂成立萬曆二年御史奏聞旌表

按江寧府志鄒氏楊天

瑞母與天瑞妻顧氏子春秀妻夏氏俱早寡三代守節如一轍

陳希堯妻謝氏

王明揚妻陳氏

按江寧府志已上二婦俱句容人並夫亡守節事實無考

李思恭妻杭氏

嚴丕緒妻毛氏

毛伯顯妻趙氏

趙應魁妻袁氏

武光世妻葉氏

毛伯頤妻徐氏

李倫妻王氏

張潮妻姚氏

周濟妻姜氏

陳慶妻曹氏

薛雙兒妻卞氏

徐義妻馬氏

潘英妻朱氏

侯四兒妻吳氏

徐標吳妻吳氏

魏珠妻張氏

張世懋妻梅氏

馬應圖妻馮氏

鄒察妻孫氏

劉嘉仕妻王氏

柳星華妻江氏

陶某妻焦氏

汪攸妻吳氏

李引昌妻陳氏

金淳妻劉氏

張尙善妻宣氏

吳汝璋妾費氏

陳穀妻周氏

周可因妻柴氏

楊阿庇妻陳氏

傅存義妻李氏

焦存仁妻李氏

陳邦宗妻黃氏

劉學禮妻許氏

童鉉母張氏

孫敏妻喬氏

黃益妻梅氏

唐思敬妻尤氏

張光世妻康氏

陳福妻俞氏

李長庚妻唐氏

趙壽妻呂氏

孫成道妻徐氏

丁允恭妻洪氏

徐鳳岐妻王氏

周稱仕妻張氏

陳茂德妻李氏

徐眞保妻朱氏

王之範妻許氏

羅受童妻倪氏

潘啟妻易氏

俞璉妻顧氏

徐昱妻錢氏

陸登之妻沈氏

胡士吉妻黃氏

陳阿福妻秦氏

沈所問妻童氏

張純妻龔氏

趙國樑妻沈氏

王關孫妻言氏

謝元華妻陳氏

李昌引妻顧氏

嚴師心妻蔡氏

承晉妻沈氏

古今圖書集成
高仲良妻張氏

顧夢廬妻葉氏

丁尙彬妻解氏

湯某妻陳氏

吳達妻俞氏

陳應科妻程氏

呂陽妻鍾氏

何樊如妻陳氏

朱思近妻弓氏

郭盟妻徐氏

魏福成妻蘇氏

胡澄妻謝氏

趙興妻鄭氏

徐廷周妻戴氏

顧振昆妻申氏

曾晚節妻楊氏

張景妻譚氏

丁謙妻屠氏

按江寧府志已上八十二婦俱夫亾守節旌表事實無考

狄氏女

羅氏女

何官童妻汪氏

按江寧府志狄氏女溧陽人許字周顯儒儒死不嫁以處女終身

按江寧府志羅氏女溧陽人

許字周有灝灝死以處女終身

按江寧府志汪氏何官童妻夫亾守節嘗刲股以愈母病事聞

旌表

樊某妻牟氏

孔引發妻陳氏

鄭忠妻周氏

按江寧府志牟氏指揮牟仰峯女適樊某四十日而夫亡守節終老

按江寧府志陳氏高淳人

孔引發妻夫有胎疾手足拘攣口吃貌寢氏貌極端麗既歸發事之克盡婦道及寡人爭求之皆拒絕忍饑以死 按江寧府志周氏鄭忠妻忠北征氏孕方三月生子二歲而忠始歸旋病沒氏養

曾祖母撫孤子歷二十七年終

朱萬春妻陳氏

賈明達妻丁氏

李元武妻蔡氏

按江寧府志陳氏朱萬春妻夫病刲股以救夫沒訓子國才成名

按江寧府志丁氏賈明達妻

夫亡守節三十餘年沒時母鄧已八十五戒無使知恐傷母心也

按江寧府志蔡氏李元武妻

夫亡守節六十七年年九十三卒

張士化妻祁氏

王應鳳妻顧氏

黃氏浦氏附

按江寧府志祁氏張士化妻夫亡教子京升孫秉謙俱成名

按江寧府志顧氏王應鳳妻與媳

黃氏浦氏俱早孀苦節終老

李兆雍妻方氏

劉壽妻李氏

程君衡妻楊氏

按江寧府志方氏間墅村李兆雍妻年二十夫亡撫遺腹子教以躬耕事母甚孝

按江寧府志

李氏劉壽妻夫亡撫子應龍舉辛丑武進士應詔贈朝議大夫

按江寧府志楊氏太學程君衡

妻夫亡飲冰茹藥晝荻和熊教其子堯情成名

吳仁妻馬氏

吳儀沉妻雷氏

夏齊周妻董氏

按江寧府志馬氏孝陵衛吳仁妻年十八孀居長齋奉姑教子爲農兵過相戒無犯年百有二歲

按江寧府志雷氏諸生吳儀沉妻夫亡苦節教嗣子樹聲成進士

按江寧府志董氏夏齊周妻

夫亡撫子森成立後森刲股以愈母病

李嵩華妻伯氏

薛氏女

按江寧府志伯氏李嵩華妻夫亡撫孤如沆成立嘗染危疾沆刲股以療

按江寧府志薛氏女

江寧人受徐聘未嫁徐天女斷髮長齋以處女終身

夏引聯妻史氏

劉暎芳妻沙氏

朱圻妻盛氏

楊念橋妻張氏

陳宗倫妻芮氏

童廷策妻張氏

董重母陳氏

朱應昇母孫氏

陶一鵬妻黃氏

按江寧府志已上九婦俱夫亡守節旌表事實未詳

施愈妻徐氏 凌氏女

按江寧府志徐氏上元人施愈妻孝廉化達母嘗割股以愈夫疾夫亡撫女長納徐朗一聘嫁一月而寡歸與母同守二十餘年 按江寧府志凌氏女江浦人許配張仲仲亡引錐刺目復自縊以救解往張守喪遂留終老

李志妻孫氏 李純妻屈氏 許清妻王氏 張光瀚妻葉氏

周克聖妻李氏 汪希和妻余氏 李如璋妻田氏 汪授元妻劉氏

柳宗仁妻曹氏 童繼辛妻王氏 張啟引妻吳氏 楊煦妻王氏

趙琮妻魏氏 沈懋修妻殷氏

按江寧府志已上十四婦俱守節終身事實無考

弓正妻趙氏 楊氏附

按江寧府志趙氏弓正妻江浦人夫亡依母家撫子長娶楊民生一孫而子喪姑媳共撫遺孤終老

古今圖書集成
沈九思妻廖氏

按上元縣志廖氏孝廉沈九思妻年十七于歸天性端淑後七年九思計偕京師沒廖年二十四旅櫬既歸誓與共死絕食數日時翁老子鳳翔纔三齡翁以老幼無依力勸之始強食門戶衰薄事皆黽勉翁沒易釵珥送其終家益窘守愈約訓子益力萬曆四年鳳翔舉於鄉二十年成進士

陳景清妻徐氏

按句容縣志徐氏坊民陳景清妻陳恬陳愉母萬曆庚辰會魁陳榛之祖母年十六歸景清敬事舅姑善持家事生二子年二十一而景清亡長子恬僅三歲次子愉甫週家貧克勤克儉惟事女紅以給食恬愉既成立俱死孤苦伶仃丸熊茹蘗教孫榛讀書每至漏盡猶以紡績佐之榛得成進士萬曆初奏聞旌表苦節五十二年年七十三卒

劉學曾妻楊氏

李氏附

按句容縣志楊氏邑坊郭劉學曾妻年二十五夫亡偕妾李氏共矢冰操李年十九事楊甚謹助楊教子弘科有聲黌序年俱七十終